

四庫全書

史部

欽定四庫全書

史部

欽定八旬萬壽盛典卷九十八

詳校官通政司經歷臣郭祚熾

欽定四庫全書

八旬萬壽盛典卷第九十八

歌頌

十八

萬壽雅九篇

二十六章

謹序

工部左侍郎

臣

鄒奕孝

臣聞祁姚氏之世封人有祝八伯有歌逮乎成周

大小雅之材翼然大備天保詠九如召虎誦萬壽

其旨歸於導揚盛美期願永福故得播諸樂章垂

示永久乾隆五十五年

皇上八旬萬萬壽中外臣民踴躍歡喜普天同慶臣竊
綜采古義集詩經成句為

萬壽雅九篇伏惟我

皇上聖德邈治上超三五雖恢意單辭莫可得罄臣今
所撰集商周治世之語譜

昇平太和之音誠知萬分未得一端亦欲以對揚
敷錫抒寫歡愉比於古者詩人之義恭呈

乙覽臣誠歡誠喜舞蹈以娛

皇矣敬

天也

上法

天健行乾乾惕若屢見於

御製詩文每歲

三大祀

親詣行禮精誠昭格實為誠民致福之本

皇矣

上帝曰監在茲保茲

天子昭假遲遲假哉

天命於穆不已

天命匪解民之攸墜

一章

雖雖在宮於緝熙敬止不顯亦臨

聖敬日躋將受厥明思

皇多祐以綏後祿以穀我士女

二章

我將我享

龍旂承

祀其香始升以洽百禮禮儀既備既多受祉應候順德

福祿如茨

三章

如茨如梁維

天其右之綏我眉壽我應受之受祿于

天萬福來求洽此四國四國是適

四章

天作法

祖也

上率

祖攸行每晨恭讀

實錄

命編開國方畧圓明園避暑山莊皆

御題紀

恩堂額

天作高山長發其祥

三后在天休有烈光允也

天子率由舊章繩其

祖武適觀厥成

一章

訐謨定命無競維烈

繼序其皇之昭哉嗣服不愆不忘夙夜基

命宥密萬邦作孚下土之式

二章

我受

命溥將正域彼四方四方為綱介爾昭明以孝以享則篤

其慶降福穰穰

萬壽無疆

三章

夙夜勤政也

上所臨御處皆有

勤政殿每晨秉燭待章

硃筆批諭

召見文武大臣引

見文武員弁每歲春

御經筵

御製論宣講秋獮於木蘭各觀冰嬉以習勤行賞

夙夜敬止適求厥寧匪居匪康不顯不承鷄既鳴矣以
莫不興維其有章矣以奏爾時我視謀猶庭燎晰
晰朝夕不暇逸豫無期

一章

文武維

后維民之則平平左右率由羣匹髦士攸宜秉文之德
嗟嗟臣工共武之服朝既盈矣心焉數之或肅或

又

天子子之 二章

春日遲遲敷時繹思俾筵俾几烝我髦士載績

武功發彼有的射夫既同用戒戎作鑿氷沖沖薄言觀

者不敢怠遑庶幾夙夜 三章

維

清愛民也

上軫念民依庶徵協應虔恭祈謝普免錢糧者四普免

漕糧者再遇偏災即

詔蠲賑

巡幸所至皆蠲免正供積欠

維

清緝熙德音是茂有嚴

天子民之父母惠此京師迄用康年日靖四方四方于

宣一章

寤寐求之求民之莫

福履綏之以綏四國教之誨之日用飲食肆其靖之

永錫爾極

二章

祈年孔夙稼穡匪鮮既齊既稷既種既戒三事就緒爰

得我所蓋云歸處

三章

簫舞笙鼓以祈甘雨靈雨既零既優既渥既安且

寧播厥百穀實函斯活

四章

時邁其邦既景乃岡允猶翕河綱紀四方四方為則干

祿百福

萬壽攸酢

五章

維天有漢廣文教也

上右文典學

御製詩文積數萬首

欽定四庫全書重排石鼓文建辟廡定禮器樂譜制作
大備

維天有漢不顯其光維此

聖人其德克明克明其德日就月將

一章

秩秩

大猷其詩孔碩朝夕從事時萬時億展也大成矢其文

德 二章

先民有作古訓是式受言箴之綿綿翼翼乃覲于

京四方爰發 三章

我車既攻先民有言

聖人莫之為章于天匪今斯今於萬斯年 四章

於樂辟靡孔曼且碩譽髦斯士既飽以

德無小無大無思不服

五章

式禮莫愆有壬有林樂具入奏鼓瑟鼓琴百祿是

總以矢其音

六章

嘉種揚武功也

上平定準噶爾回部烏什兩金川臺灣

聖武布昭大功耆定

誕降嘉種去其螟螣回通其德苞有三葉明明

天子赫赫業業宣昭義問孔淑不遐四方以無拂

一章

進厥虎臣徒御無斃我徒我御不測不克不留不處匪
疚匪棘執訊獲醜一月三捷則莫我敢曷

二章

質爾人民是獲是畝維彼不順是伐是肆敷天之下式
歌且舞以燕

天子

三章

今德化藩服也

上撫馭外藩德威昭著土爾扈特緬甸安南廓爾喀哈薩克拔達
山歸順安集延痕都斯坦南掌入貢文軌無外為前古所未有

顯顯令德烝烝皇皇肆于時夏用邊蠻方薄言震之莫

敢不來享四國于蕃曰求厥章

一章

此邦之人居國南鄉烝然來思依其在京來獻其

琛來游來歌正是國人俾臧俾嘉

二章

赫赫厥聲聞于四國因時百蠻莫不震叠有倬其道于

時廬旅獻其貔皮

天子之所

三章

翮彼飛鶚載好其音歛彼飛隼依彼平林福祿既

同四方來賀匪且有且溥天之下

四章

烝民惠耆老也

上循舊典舉千叟宴壽民壽婦五代同堂以至布魯特
壽婦有

加賜焉又

賜年老舉子科第職銜有差

天生烝民俾爾壽而富有覺德行自求伊祜降之
百福孔惠孔時令此下民壽考維祺優哉游哉樂

且有儀 一章

黃髮台背于京斯依以引以翼其車三千

帝命率育或肆之筵旨酒欣欣式飲庶幾燔炙芬芬式

食庶幾 二章

偕偕士子壽胥與試呦呦鹿鳴芄芃棫樸式燕且
譽以似以續如云不克誨爾序爵則不我遺

天被爾祿 三章

外大國是疆衰時之對懿厥哲婦眉壽無有害道

之云遠謂我來矣同我婦子維其偕矣其類維何
爰衆爰有既登乃依迺慰迺止

四章

南山誦

聖福也

上八旬萬萬壽

五世一堂

德備

福全普天同慶妙應吉帛太常仙蝶祥徵叠見本年元

旦

恩詔錫福延庥謹謳載路

南山有臺佛時仔肩

君子至止瞻彼溥原如南山之壽

天子萬年三壽作朋稱彼兕觥如坻如京

惠我無疆

一章

曾孫來止亦既抱子子孫繩繩用錫爾祉萬億及

祧自今以始昭茲來許有秩斯祜

上帝是

皇降福無疆

二章

飄風自南萬夫之望其帝伊絲無曰高高在上如
彼飛蟲我行永久屢舞僊僊亦集爰止自

天降康申錫無疆

三章

順彼長道民胥傲矣不顯維德神所勞矣神之聽
之福祿艾之獻之

皇祖中心喜之四國是

皇受福無疆

四章

萬壽恭擬範引一篇

謹序

工部右侍郎

臣張若淳

臣聞堯舜書曰典禹曰謨而禹敷文命承天瑞錫
洛書法而陳之則曰範範釐九疇根柢皇極行事
政紀極所由見三德稽疑天人變化而省躬之緯
莫若庶徵雨暘燠寒風協氣致祥實基五福皇極
所由歛敷與六寓同慶壽富康寧者斯道得也上

章奄茂恭逢

皇上八旬萬萬壽紀年為五十五演褒為八數符大衍
而書之五居中以運十者又適符

旬慶臣伏讀

御製八徵耄念之寶記仰見

皇上勵精建極

行健自彊欽承

鴻庥光纘

駿烈時幾密勅至敬至誠于洪範三致意五之歛錫九之
三憂八之念微孜孜惕惕日進無疆蓋天時民事
皇心念之百穀成乂用明俊民章家平康錫福翼祺靡弗
臻茂曩者

論著洪範斯以

上耄之年彌垂彛訓

延鴻勒

寶輦意萬載丕丕基寶乎遐哉剖判以來蒼牙通靈乾

出天苞坤流地符于斯萃為盛會以緝億葉之暉
烈三五之蹤八九之跡未之有也時臣工籲請慶
釐久而廼

俞停貢獻之繁文禁郡邑之私祝天下黃耆駘背熙熙
盱眙擊壤撫塵嬉乎春臺二百餘家曾元在抱數
百餘姓期頤過歲睇三千叟之開筵傳一十世之
合巹庥和晏粲不可殫紀廼邇者遊原遠者泳沫欽
聲教之覃敷大

德威之無外羣藩拱向航海棧山準夷回部趙拉促浸
震疊

膚功罔不協順石峯萌掃赤嵌波馴緬甸函表而來衛
藏皈風而至朝鮮琉球暹羅南掌諸國納琛獻賁
畢修享王比南交君長慕

化近

光親拜

闕下輸誠奉朔喁喁款忠忱乎

聖神感啣乎

思愷周家王會之篇唐室職貢之圖馳驅赳赳方斯狹
矣當首歲迎禧舉行

元會盛典昉自庚午歲

四旬大慶洎今

八旬之庚戌歲庚庚協兆熙輯光明二月

東巡狩祉洽惠章少皞司秋

雲莊宣慶藩王暨各國陪臣並年班來

覲之呼圖克圖都爾伯特土爾扈特霍碩特烏梁海哈
薩克等俱鞠躬趨風合歡介

景南呂之月王衡指酉日躔于角弧南星耀拱應

斗樞

帝乃御殿受朝麻對天下合八絃之抃舞同萬國之尊親
五代一堂慶垂奕禩

錫禧曼羨懿鑠崇隆所謂歛福敷錫訓行近光蕩蕩平
平會極歸極者實宣洪範之珍符焉而

皇上淵冲泌德萬幾宰心敬念庶徵勤思民瘼不以臚
懽而一念弛也懷保下方貸賑緩除有加無已而
天下惟正之供履端宣

詔普蠲億萬萬至三至四滋液滲漉無微不至無物不
綏欽

帝廣運之神凡經文緯武修禮備樂察吏勤政諸大端
悉與

天同體臻于久道化成耶

詩文懋學亦闕訂謨典要所由暢垓沂挺旁魄四塞彰
雨暘寒燠之應紀歲月日時之成算畢從星

福壽備吉衍範之五皇極而推至于京垓億兆而浩無

極也

臣

伏念漢班固有典引之作謂堯之常法能

紹其緒紳而長之固雖稱相如靡而不典自以為
得典實顧揆藻摭華猶近符瑞即效忠悃亦侈而
鮮要令

熙朝功德不特遠軼炎漢實包唐虞育夏前后無茲

盛軌

臣

陋固之侈諛采固引伸之旨伏讀

御製寶記窺知

聖治上光洪範

聖壽永演福疇節取典引舊體敬撰為範引一篇不揣
禱昧稱述萬分之一不敢溢媿思以記實謹拜首
稽首以獻曰

泰元之始循蜚因提呿呿吁呿沕穆氣齊柱州龍
門天地開闢逮于人皇三才啟焉喬齡之享一萬

八千歲四萬五千六百歲義畫八卦乾坤數衍軒
轅設紀始定章節紀元繇千四百四十氣以暨無
窮運世循環時從辰惠然求厥治理繩契荒邈末
繇殫而述也五帝之德唐虞卓絕丹陵孕瑞諸馮
毓華金符玉牒鴻筭多齡或在位七十載或得壽
百十歲自姚暨姒平成績懋收金鑄鼎九道攸通
諸侯僉山四方鞞磬神靈錫洛第疇衍範出入典
謨已然而流星貫昴石紐臻壽範禹行之禹體之

自時厥後闡繹斯難求剖判之盛會貞元之昌期
皇極歛敷庶徵協應德以基福福以基壽者其生
民來未易遇乎惟

大清凝命鍾叡震方白山綠江奄有區宇

文祖

神宗蘿圖熙洽星尾輝度常羊耀維汁三靈而嬪運撫五
辰而凝績洪惟

皇上色元履德日煥山巍

璇穹體化

珠邱承烈真

一心司烝開篤祐配京之原也
堦垣潔秘登降列施
郊壇肆秩必親肸鬯於以知

帝敬

天之誠絳宇玉堂肇禋迄用縮茅藟鬯

九廟升香于以知

帝贊

祖之敬問夜求衣關哀民瘼豐綏屢告時豁租庸暑雨祁

寒痼瘵在宥普蠲正賦至三而四予以知

帝愛民之仁夕惕朝乾所其無逸懸旌馭朽萬幾簡心

批章晷移召問漏永勵精體道夜寐夙興予以知

帝勤政之義班朝涖官羣策羣力撫綏保障量臣是毗

曰郡曰縣安良戢冗慎簡乃司展采錯事予以知

帝察吏之明經緯萬端金聲玉振鉤貫鑿庀搜討符珍

壁府富藏奎垣羅纂載籍海河淵源津逮迺復鑑

古西清森圖禮器和闡瑑琯臨江采鐘禮修樂備
銖鎰百代于以知

帝光宅之文廟箕千里神機獨斷天山月竈拉朽摧枯井
絡印岷闢叢掃箐鹿耳門通屋鰲社靖苟或不諛
罔弗底定貫蝟穿域壓壘踰墉風聲所震南北西
東于以知

帝德威之武鳥奕乎彌綸三才籠絡萬有有渾淳沕滴
之量靡矢敢奮麾之容用宏厥化豈不神明哉若

夫陶山哀對展義習祥康度河渠疇咨溟嶼樹舍
吳會夾車岱宗露灑旒旗風移筦鍵此所以

大時邁而宣慶惠焉古北塞垣興安漠嶺歲親訓旅秋
舉行圍詐馬草夷教馳霜肅樹棚決拾風勁弓鳴
所以承

家法而重獮典焉武列湜湜鍾峯戢戢高啟

雲莊萬方和會鷁邦鰈國蛾伏麇至霞開山積瑰異旅
呈近

天子光祝

聖人壽所以

廣懷柔而洽藩部焉碧漢垂雲銀潢潤水隆準殊常麟

振邁遠

五福

五代卜世卜年靈祉蟬聯延庥億萬山輦川溶凝

祥

錫羨所以

厚貽燕而綿神筴焉家傳曼齡世增耆碩千叟秩筵十
世同室旌里揚輝

賜章闡懿皓齒龐眉三朋樂易簪管而書莫能殫誌所
以

熙春祺而普引翼焉若此景鑠苟得二三足以鏡區寓
視品物煦燾天下昭登于無已而

皇帝絳而綜之兼而色之匪開一匱之跡實運萬鈞之
模蟠上際下壑溢九鴻雲靡風移存神過化日月

之華容光必照江河之流有坎畢渚蕩蕩乎平平
乎會歸于維

皇之極景從于大同之盛富壽康寧普于庶民緯於
一人至誠不息日進無疆其疇能亘之哉且夫德富
道宏淵渚海流崇化也為辟雍誨禮以示之考聲
定律鐫宣磬收集成也為全詩譜樂以風之車攻
馬同于苗勒碣布績也為石鼓補文以永之真文
滿字溯軌傳燈設教也為梵經譯法以鑽之為隆

譽髦也則開科廣額之制宏為榮稽古也則予秩頒
第之澤盛為翹才匠秀也則上塞邊陲之風遠為拔
尤舉萃也則區途分類之用彰外運乎渾元內需
乎毫芒兼綜條貫順性循物本

無逸之精神感斟酌而有數三五六經載籍之傳考斯
光烈茂以加矣至矣且繹

幾暇之游藝秉

天亶之聰明

垂文二集

垂詩五集如日月星辰之麗天如江淮河海之行地罔
非民生

國計流示

敷言又非典謨所能盡範所能殫者已窺管測蠡引申
萬一重稼穡五行順也精思睿五事通也食貨養
民祀崇

大

祖賓柔遠人師昭偉畧八政協也歲月日星時和邦稔五
紀效也平康正直人才進退三德彰也卿士庶民
大同僉應

身其康健子孫逢吉稽疑定也風雨從星咸蕃庶草康
寧好德茂臻

壽富則八徵念用實基五福也福所繇歛所繇敷錫則
全本于

皇極建中作民父母為天下

王以綿景祚于億萬斯年也範不能殫而實挈範之與
蘊祥源福緒璣貫璇循峻極之

鴻規口無以名心知其意鳬藻歡忭不能已也金秋之
仲旦觴觴中日在壽星之次

皇上八旬萬萬壽恰應珠囊天地之符五五遞衍黃鍾
之數八八相生緝紀積算浩乎無極統六幕以呼嵩
裕

萬祚而祝嘏中外禔福昇平有象歟彼金泥玉牒刻石

封壇鏤迹燠今鐫德麗遠鄔黍江茅紛綸詭譎天
門窅遼侈迎嘉貺固

熙朝所撫斥即山川翬圖蟲鳥之屬駢集靈符亦弗侈
靡黃河清吉帛垂仙蝶告何預

天子道德之原哉極以

錫福範貫典謨兢業業即

仁壽無量必卑心敬誠斯則博厚高明悠久貽萬萬世
丕丕基也泰乙成鳩以來卓乎不可尚也已

萬壽樂府十八章

謹序

內閣學士江蘇學政臣胡高望

臣聞行健者自然之運也至誠者不二之道也執大同之制調泰鴻之氣鈞旋轂轉悠久無疆物之所以成也夫大德曰生太和謂道徇齊敦敏而推準循繩延美大光而周徧溥博懿綱釀化規矩乾坤累洽重熙潤澤豐美春臺壽宇統輯羣黎邇陞游原迴恬泳沫誠閎區之上軌而建極之嘉徵也

我

國家

京貺昭融延洪錫羨慶綿萬禩化寓日長泰運元辰時惟
會萃先是歲紀庚子為

皇上七旬萬壽之辰

綸詔疊宣

鉅典隆茂緝熙純嘏敷錫兆民舍生遂性之倫優游
博載飲和蹈豫莫不思歌九如而頌三多

聖德謙冲抑而弗許萬物熙熙懷而慕思願伸其祝嘏
臚歡之志者十年如一日也洪惟五十五年恭逢
皇上八旬萬壽

俯鑒顒忱俞允衆請猶復

英命重申母得踵事增華於同樂之時寓持盈之意嚴
恭寅畏孚應

天心百昌用豐駢蕃集祉四方來賀

天子萬年里忭塗歡羣聲和會何其盛歟臣伏見

皇上欽若

昊天繩其

祖武允迪厥德建中於民引見臣工披覽章奏兢兢業業
以日以年運而不息也子惠元元勤恤民隱豁丁
賦蠲漕庾不一而足偏隅偶歉賑恤必周雨雪之
期民穀之數莫不隨時奏報上達

宸聰煦嫗覆育無一物不得其所也且

天縱之聖齋心典學虞歌禹牒朗耀星雲

御製文二集詩五集周情孔思會六經而為言者也至
於蘭臺金匱冊府圖書述古崇文彌綸無外一道
德于辟雍昭至教于

闕里觀文成化而麗乎正也

聖策風行

神威電發海隅日出懷德畏威西域之底定也金川之
蕩平也澎湖擊楫而安瀾日南歸誠而奉義煌煌
乎九伐行而聲靈震也若夫

驚旗寶軌

展義觀民近自秦嵩逮于吳會舳屬艫翹灌輸斟酌雲
梯宣洩竹箭安流鞏堰屹塘東淮障海順動過化
無為而成也惟時

五代同堂榮鏡宇宙庶徵翕習逢涌原泉升中展幣河
嶽薦馨告精禋也秋賦春闈蜚英擢秀登俊良也
增秩加振布澤推仁惠察案也衢尊賚酺慈勝升
耆優高年也程軍吏簡師徒加儲胥恤戎士也蠲

年也程軍吏簡師徒加儲胥恤戎士也蠲懸逋免戶
課復廢籍廣赦宥補不足而予自新也協氣嘉生上
蟠下際巍乎煥乎蓋無得而名也臣聞導和以樂宣
德以詩伶簫詠歌象容鳴盛壽人安世自古為然我
朝同律協音上侔韶護慶平和之奏耆部回部之
章隸在太常化動翔泳而導揚

聖節尤宜依永和聲引而伸之以昭極盛之軌臣不揣禱
昧謹撰樂府十有八章曷勝踴躍顙忭之至其詞曰

元會世曼壽祚我

聖清

皇帝萬萬歲久道化成三光昭融兮中外禔福二儀網

緼廣運大亨

右第一章

仰壽星兮景弧南

建其有極

湛恩覃

八袞肇開億萬維

皇咸五登三

右第二章

勅

入之命萬幾惟日夙興以求屏書無逸

右第三章

率

王祖之攸行紹庭陟降精誠夙夜宥密統百度以惟貞

右

第四章

八方視如戶牖

勤政日惟孜孜敷言於

帝其訓並觀公聽勤

堯咨

右第五章

幼農食為本

帝耜親耕殷于民全蠲算億萬錫慶施惠古無倫

右第

六章

霆威奮

神武婉虞陞干羽二萬里新疆

文教啟蠻宇

右第七章

建案偃伯波恬鹿耳悠悠富良其流順軌

右第八章

章

宸章闡盛藻卿霽森寶翰獵碣句重新光華瞻復旦

右

第九章

論定史成兼三才

帝璣甄度思深哉典冊祕書四庫開

壁府藻耀照九垓

右第十章

昌辰演

福壽

龍綸膏澤周貞符介景錫類揚庥

右第十一章

酺燕

賚千史老更闌

天言轉轉啟啟會陽澤慶裕流水之原

右第十二章

省方

谷牧時巡

鑾輅岱嶽升香嘉會表祚

右第十三章

寶賢

舉典開

恩榜矣瓊班優秩曰懋賞矣

右第十四章

九功叙兮四和華封人作歌鳧趨而鱗集擊壤兮

婆娑

右第十五章

車書王會駢闐共球自八埏同太平兮舞蹈樂相

兮延年

右第十六章

皇極歛錫蕃昌惟

帝八徵耄念引且長

自彊不息曰恒久玉庥其應時雨暘

右第十七章

咸池雲門理八風賡颺喜起

壽寓同惟

大鴻貺眷

聖躬

萬年有道

景運隆

右第十八章

八旬萬壽盛典卷九十八

欽定四庫全書

八旬萬壽盛典卷九十九

歌頌十九

萬壽九叙

安徽巡撫臣朱珪

惟邃初虛廓漢垠肇祛天地五龍循蜚曆乎泰燧
章節罕漫不得而記矣厥斟元陳樞闡繹紹天攝
提之可數者自黃帝元年甲子至我

皇上五十五年庚戌蓋四千四百八十有七年三代而下登八三帝惟元差賢疇若我

皇上重華熙洽文武創守咸帝皇於三五協苞符於兆
繇

矣絳申祐戩穀單厚歲陽橫庚月躔留酉緯曜協祥為
八旬萬壽萬壽于是曾元繞膝

五代一堂來第仍雲派演天潢者咸奉

萬年觴而祝無疆曰我

大清之肇造于東也發祥朱果基長白而溯混同厖樞
厚德肩錢

豐功受

天命以御宇協清陽之古封皇哉

五朝淳懿葆毓元氣邇通儲億萬載曼羨之壽以貺我
聖躬故迺握符闡珍承

昊蒼而致孝乾坤父母馨德響報陟三成之

圉壇神志通而虔告福爾積以春

祈瞻蒼龍而夏

雩琢穀璧羨勒文版書

躬親肅將萬祀若初

日朝

月夕秋黷春舒既篤

天祐適追

祖德拓西域而貢璆藏

玉冊之寶刻

巡藩陽而

賦陪京編方畧于

開國遵射服而刊碑陳禮器而圖式

太宗膺乎傳寶敬勤體于抑堦書

躬戰于松山想締造之屹嶷

皇祖篤慶

垂眷我

皇受丕基而紀

恩記前後兮彌詳鏤月開雲之臺萬壑松風之堂啟
實錄以環誦憶

額領于羹牆睦親表忠睿王復號佐命懿親封爵配

廟繇繇爪爬振振麟趾葛藟能庇行葦勿履慶元孫之嘉

瑞

題五福以綏祉其名奉福奉壽登玉牒而儷金枝者蓋
十有一世于此矣且夫祚軒轅者廿五宗濟陽辛
者十六族惇叙則星徽綺文展親則器分珍玉

賜品惟四繪章篆轂先上元而開筵

御乾清以宴曲于斯之時莫不需澤琿源分華若木
蕃蔭庇于本根愷悌流乎天屬咸曰

天子萬年以篤我本支百世之福于以仰我
皇上

保定孔固

謨烈寅承馮馮翼翼莘莘繩繩位

上下而接五世增疇策而

念八徵也粵有五等分爵六官聯事三台麗乎文昌九

棘位乎朝士環

帝座而依

辰極者僉搞翰祝

簠闡萬年之嘉瑞曰臣聞泰元流化運樞宮圜極古今
之至壽歟推步其歲年

聖人御宇行健體乾純一不息惟

聖即

八今將仰衡握筦而窺焉斯偏而未全竊見我

皇上實心實政敬明無逸一日二日有萬幾五十五年

如一日魏巍

楓宸此焉

勤政

御天門之詆蕩宣

綸綍而申令修容銘帶待旦飭服

丹豪批奏王檠翦燭登先習典辨色清穆端揆既

覲卿士乃召

御賸若神燭幾于與

天不言而行生

日夕照而朗耀傳餐嚮午移晷既旰退聞宮漏猶

親經案

文成越千

詩富五萬稟

濬哲于天縱乃幾微之無間弘矢

躬御

神武邁倫廿餘而中十九驚堵觀之臣隣或雍容而控
轡當益壯于

八旬爾乃降數詞垣賡句東壁史括舊章書纂新冊承
文思之指示必修辭而典核銓流分曹澄之以公雖下
逮乎一命亦上覲夫

九重眷彼民數飭于司農登版胥壽綏藉屢豐摠章協
樂宗伯掌禮

廟器準古

壇圭有卽

朝祀饗燕

親製樂章謄三百之雅頌協五音于宮商鑄鏹鐘之鉦
銑戛玉磬之琳瑯奮武定級計廉增俸軍廣分團
銳曠習用詳識

仁深肆耆

恩重空貫索之明星揭雞竿于丹鳳冬官率典匠人庀

工隄防河海城涂

廟

宮輯元圭于僉山記黃圖於扶風乃

知過以著論何

聖懷之彌冲

聖不自聖臣艱厥臣修職陪位近

禁依

宸教之逾師

育之如親願

蕃釐之萬億八千歲為秋春也

若乃節鎮握符岳牧輯瑞十有八省屏藩所寄及
二千石下至羣吏合九有之歡心慶

萬齡于邳治曰蓋開開疆無量延

壽無疆自我

天覆幅幘孔長禹跡之所未履周索之所未詳胥我土宇

何有漢唐我

國家之初經營也考地括象畫野分星峙以岳瀆環以裨瀛及我

皇拓地二萬餘里乃包崑山而薄西溟于是

掌運六合

心憫九寰錯壤建牧畫土任官暑寒泯谷康田即安澤
厘三時驛

詢四砥霑嘉禾而遂生棧

睿蒸以誌喜吏黜斯辜民稅乃鋤治理獎實侈靡斥虛

天日臨于扉陋

明且鑑于馳驅故

明之通也鏡積無厚而妍媸呈

公之溥也權懸無欺而輕重衡

馭枋有經

乾綱獨握露雷凝釋春秋溫肅

皇上獨深思夫醇化之流洽羣黎之殷羨嵩岱貺嘉而

河海清晏也是用遲之又遲

巡典六舉察吏觀民以欽法我

聖祖遂簡七萃飭六飛蒞葢玉璫星旃雲旂輶輶闐闐駢

駢駢駢爾乃

王輅駟連于泰巔

翠華琴麗于日觀普淖薦乎封中裡烟升乎天半降
輶

闕里弭節

孔林車服陳器金絲間音涉河浮江踐吳屈越環萬

民于繡甸問百年之黃髮進疆吏以考最因望

幸而籌民隱靡惠不施有依必軫飭先勞之未勤兮警
饑溺之當憫渾渾濁河湯湯清淮誌石下醜引渠
北排啟六塘以宣流襲九派于江涯淞海濤飛柴
塘石建尾閭洩乎中疊鱗次崇其壘堰亘玉梁之
百里發水衡之億萬是皆

駐蹕親籌

指圖開示與夫灑沉而津浹疏捷薪而豫隄閼高室恒

臺觀周臨冀神禹之績莫與京而衛民之道備矣
是惟我

皇上廓紘恢網暢垓海埏
九重端拱萬寓承宣環蕪

萬壽於萬斯年也

爾其杖朝杖鄉秀眉龐首耆臣父士與宴千叟者
咸率宇內百年鮐耄億千兆齡吹萬同聲以增我
聖壽曰將以八月幾望日十有三躔合壽星角亢同瞻

秋分之曙老人見于弧南靈臺疇人進曰

帝者壽命延洪厥有是占惟我

皇上繁祉衍流

鴻祚純保

敷錫五福覃被諸老體茲耄造

厘厥晨趨

紫垣聯騎

青瑣肩輿依

天彌健沐

道更腴廷有千秋里有二疏詩傳真率之會鄉繪耆英
之圖相與樵古歲論大年黃庭景經綠玉秘編此
神期美駐顏喬佺友茅君于珠闕逢桂父于瑯田
引年

彤庭尚齒筍席年蘄綰綽之鼎奠錫

泰元之策繫懷貞元而服神明哉惟

天壽平格也昔我

呈祖千叟肇宴我

皇承

頤沖齡侍殿紹庭思

恩繼序受

眷惟

御極五十年盛典再舉所以積慶重先法

上儀而膺下武也

當軒賜酒列

陞開筵壽有百五叟惟三千黃閣宣其寅亮絳縣數
其亥年皤皤然黃髮覲齒曰惟

三朝仁澤之所延若夫瓊道巢鷄南陽種菊翁號季河女
稱羅郁月有謄章時聞奏牘

錫詩建坊頒金賚粟蒲田郭叟百有十齡拜籍春官陪
職司成復屆

昌期入覲

大廷更有梨面懷牒艾齒窮經徹棘圍而

賜第列冰銜以競清台袞重宴乎

恩榮令長再與夫鹿鳴漳浦一老鄉公國耆伏火映頰

丹心傾葵望

楓宸以籲慶

詔蒲輪而勿馳拜稽前席

天顏悅怡貞符疊臻昇平景麗一堂五代者二百家聚

族同居者一十七世布魯特婦重譯二萬祝

大皇帝萃人瑞以同紀擴壽宇而合契

天子萬年斯之謂歟
僉曰竊聞交乾坤兮橐籥緯坎離
于卯酉豈知我

皇上四極四和

中心無為而至正是守邁五龍之奇齡餐三秀之內芝
豈知我

皇上體信達順四靈為囁而天下大肥也非

聖人而大德其孰能與于斯

若夫講道論德之儒抱槩握翰之士孝廉明經博

士弟子相與崇論閎議觀文察理曰竊聞惟壽作人倬漢為章棫樸所以美文王也我

皇上稽古同文久道成化集五經于萃室

披萬卷于

幾暇述周易以通漢宋解春秋而例王霸考姬周之禮儀軼杜鄭而超孔賈

評通鑑于古代定綱目于勝朝譯國語以成志溯元金以迄遼薛史表徵劉書闡舊

樂府協音

笙詩入奏顯

謨揚

烈詩全一百六韻焉

對時育物句詳七十二候焉文醇詩醇淮源河源濡灤

涇渭江濟崑崙

考辨之富不可殫論

挾天摘蔕

臨池灑翰龍翔鳳輝金銘玉璫敬勝鐫

書雪晴據案淳化墨妙之摹八柱三希之玩雖

寶繪之緒餘必超古而獨冠書輯四庫文建七閣使遣

陳農典蒐永樂補闕纂殘校訛讐錯聚珍賞奇薈

要返約開東壁而奎躔明擴西崑而冊府拓乃有

羣儒志讀秘書人登虎觀之席陌聞鴻都之車三

萬六千冊州次部居而

詩代弁辭者數百有餘

天子以為治隆道德政舉賢良建

辟雍于太學列橋門而啟明堂園海壁流夏屋金黃

周器十事府史所藏

蹕鸞和節鼓鸞奏聲登拜

殿廡列筵膠黼

講肄經禮

親辨老更搢紳觀聽雅歌吹笙煌煌穆穆道暢而禮成

列戟當門廡有石鼓蒼籥遺文膠輶千古我

皇訂之重排二五會萃妙合錯綜參伍缺罣掣蛟鍊石

再補列國學以數文置

灤京而揚武于是門闢賢路國設禮羅月魄象飲鹿
鳴升歌春袍草淺秋山桂多蓋非大比而奏甲第
者試舉兩

制

恩開六科於斯之時衆材鬱為楨榦

大化成其翹秀潤色鴻苞協氣醇茂先華寶乎鱗彪

文德洽乎薰厚載載乎份份乎萬古獨隆咸曰惟

天子聖壽也

于是薄海內外億兆之民食德飲和含澤被仁祝
美意於延年頌

壽穀於

皇仁曰蓋聞四表教寧三光昭麗中外禔福泰平書歲
聖人之所以壽世也和氣龐鴻上理樸醇先疇舊德百
年相因

欽定四庫全書



八
卷九十九

聖人之所以壽民也是以萬方蒸其太和羣倫祈其純

祐流祉擁庥俾

皇躬以曼壽粵稽開國計口授田殆千六百萬焉及我
皇上重熙累洽承平相傳至二萬七千萬乃二十倍於

前

躬節儉以著論因葦息而綏豐

詔司徒以獻數

飭疆吏使課農

陟靈湫而禱雨

製宸章以告風甘霖報霑于萬里時玉書祥于三冬迺
撰靈辰練吉亥吹律風和覲土凍解縹輶紺轅總
撝黛耜朝陽晞于東郊雲氛垂乎青時歌

禾詞以勸穡撫

御耦而降趾農畷飭

四推之勤甸師飭千畝之祀是以致

孝足農一舉而具二美也

慶澤覃布

渥恩廣施弛中邦之成賦蠲度支之全租甄口率而勿
納算緡却而勿輸藏富蔀屋騰歡暇廬推

惠心于勿問施

我德于有孚蓋我

皇之普貸凡三復蠲今四乃二十萬萬有餘天庾供糧
兩除轉漕七省免輸五年分調或截挽以贍近或
開廩而均糴苟偏祲之偶被必馳牘而入告計

德逋豁發帑濟饑祁寒行糜春祺加賑除課訂于
巴實捐賕租于蠻責用是感咸和書大有樂盈寧
登仁壽祥圖曼羨而熙洽瑞應駢聯而單厚若夫
平露屈軼麒麟鳳凰治遊采鱗阜伏飛黃却貞符
而勿膺惟紀人瑞于上祥八千為秋八月庚申
帝車迴乎上苑徑天衢而甞

紫宸卿雲縵野爽風簞塵鰲戴嶽抃樓臺金銀閣道連
屬百戲幻陳蒸紅霞于燭木飛玉淙兮天紳于時

龍旂羽纛

翠蓋鑾輪千乘萬騎
轉轉轉轉轉轉轉轉
普海共日在宥同春
歌
衛節以三百鎔天樂
于九鈞倡豫鳴盛編
珠貫綸

曰

天子萬壽樂哉壽世之壽民

則有大德必芻初地
黃教軌範闡黎般若
精妙遊
梵率化樂自在天之
宇贊

曼珠師利大皇帝之
號咸膜拜稽首合十
頌敷白我

皇帝言蓋聞三千大千鎮以須彌居南面者為閻浮提
是大震旦我

皇治之湖大教之乍興爰七佛之出世居五印度布大
智慧及五百年而東行遂起衰而振替我

皇帝總統三乘後佛受記是以遠撫長駕

澤流荒裔徠達賴與班禪撫喀木及藏衛曩者歲在庚
子

聖壽七旬

神威徧觀乎十方斯陀重譯而來臣其至也珠璣鈴珥
繹絡編璘金牛蹲伏而蠱華蓋香象踳跚而蹙珠
塵擁師子之高座敷吉貝之重茵憶往世之轉世恍
無着之與天親也茲者

聖壽延釐

慶開八秩有廊喀之懇誠奉金經而屈膝命薩野及八
都共

丹書而並出維

依清曠是名極樂雲護龍天風含鈴鐸經八萬劫壽
而摩尼常瑩供千萬億佛而天花不著至于清涼
法界跡著文殊中臺環峙演教之區望華幢與寶
蓋計五駐乎

金輿別有普濟法雷望海靈應布地則七寶斑斕疏
池則八水流泳迦陵之鳥晨鳴留犁之光夜淨闌
盾七重香雲十種天樂鏗鐳恒沙瀕洞毒龍蟄而
不驚怖鵠安而不恐二十億萬里之金粟長堅四

十逾繕那之風輪不動若夫

山莊迤北聿建普陀須弥福壽列乎其陬蓋以衍宗
喀巴之法裔居前後藏之婆羅于是穹碑崒屹

睿藻輝煌精藍淨國選勝道場文留貝葉角啟梅檀摩
騰初來乎東土耆婆爰謁夫壽夭攝四生及九類
揭正見與正觀迎寶華之滿祇嗅薝蔔之盈壇

皇帝乃發龍藏之文究馬馱之迹訂三合之切音衍

國書于金冊蓋自迦葉傳言鳩摩始譯雖九部之畢賅

亦四諦之久聞未聞如

今日之宏贖者也我聞佛說昔無量壽佛具四十八
願其壽命久長極推筭于百千萬億而不能舉其
券其神智洞達威力自在雖聲聞衆庶布億萬由
旬而一掌可載其國土一切天人衣服飲食華香
清醇長和風之披拂信溫麗之如春聽華樹之妙
音步衆寶之輕塵我

皇帝錫羨紹庥

壽命無量即是無量壽佛之億千萬劫而不改法相也極
閻浮界有情世間繩梯索引請吏款關即是無量
壽佛之威光照耀而天人附板也若民生之熙皞
軒寶甕之神漿自通都迄聚落罔恐怖與徬徨即
是無量壽佛之耳襲法音而身被德香也維時諸
大衆衆作是說已咸識

聖人之壽不可稱紀膜拜讚頌皆大歡喜

別有月竈日際塞部海滙異語同譯殊期並詣曰

萬萬歲祝

大皇帝爰夫我

朝之德威遠制也蕩烏拉服高麗四十九旗和林諸

裔震警乎萬邦臣僕乎百世

皇祖揚聖武懷遠服闢三衛于甌脫獵興桓之上谷

皇上拓區宇而帽藩籬率

祖武以垂

國俗常以金轂之月行圍于木蘭雁磧早霜龍沙戒

寒草萼猶綠林薄欲丹鹿柴千里崖口九盤植黃
蘚為中權弓張桓門于巴顏會藍旗以看城弓翼
御騎于興安于是星流電擊山敦雲鋪角麟拉帛掌熊
凡狐洞麇麇鈇貌軀微鶴鵠畢雉鳧迺

御神鎗控星弧翎猶毛狨他他藉藉灑被乎周陸于是
喀爾科爾左賢右賢千二百騎穹廬蓋天奏什榜
而進宴戲角撲以列筵復有名藩子弟詐馬既畢
教駢親試綰帶結衣絙竿控轡

恩洽中外武慄逋邇自松江屬乎葱嶺蓋二三萬里昔
者西荒準部逋酋遺孽

兩朝經營未予翦剗我

皇赦之延喙息而不絕貪狼封豕竄匿竄竊呼衍湏卜渾
邪休屠咸敬閑而望拯遂

致討而得俘阿睦梗煽征叛搜逋貳負梏而九嬰刷應
龍降而蚩尤誅遂蕩沙雅克庫車采葉爾羌畧阿
克蘓夾黑水而撤圍薄玉山以擒渠于是兩部蕩

平羣庭埽間和闐烏什霍罕恩都屯種數萬里歸

我版圖

開惑信

天內定

聖謨桃徽金川隸諸土司卽卡構釁勞我

王卽狼子歷負塘斧蝨絲乃破美諾陷烏圍摧堅峙隘及

噶喇依遊奎貫索俘走馘飛土爾扈特全部順歸

賜以遊牧謀厥食衣曰降曰順皆我

天威么膺林莊蠢蠕海嶠樓船飛渡露布踵報社番猱
狂咸仰

覆燾傾覆栽培

天厭黎氏我

皇鑒之乃憫阮懼心

錫用寶冊而胙諸交趾銅嶺珠崖富良之路曷若拔克
達山格宗明宗之固藤胄竹衿桴筏之具孰與石
碣鹿塞米窖九樹

天討巽申叢爾敢競是以誠懇再三而卒獲

寬命也遂乃集共球萃梯航易冠帶覲

山莊遲羅受

策而拜庭南掌識海以來王木邦金齒阿瓦瀾滄金表

鑄文于戛里之國馴象貢貢于猛密之鄉外臺聚

幣文閭

賜筵踏舞逶迤魚龍曼延登雲見

日揆藻自

天頒戰圖而示荒徼奉正朔而祝

大年鞠膾飲飫之禮既畢因相與伊盟頤語睢盱為構

咸畏

威而懷

德曰無疆之

壽是我

皇上祐篤萬祺懽臚九圉也

是時

天子心契仁壽之原穆然無為儼乎深思顧寰宇之和會
鑒輿情之熙怡敬作所于周誥銘無逸之書辭

曰俞咈哉蓋諸所論著沿其流而未識其源也得其一
而未綜其全也仰

天子之壽萬年烏覩致

壽之本然乎且夫河通天苞洛流地符八卦成列義文
重而畫圖馬九疇咸叙禹範畀而衍書焉

大聖人握上德之契

筦至道之樞

乘天時行歛福用數尚哉復乎可得而仰模也

自彊非勉不息故久剛健居陽篤實載厚

盛德日新

大業富有

體乾元以長人出庶物而居首

天弗違乎

聖先

聖奉時於

天後是以同揆合撰

貺茲仁壽五十五數生成大易推之萬年以衍乾畫是為
一萬二千五百焉乃合

聖齡而增厥策四十有五箕疇自乘陰陽默定相協其
凝

天子乃叙倫陳疇

念用八徵建其有極保錫惟

皇訓行正直會歸平康彛言是敷萬邦其昌開庶民以
王道近

天子之耿光鑒爾康色克用柔剛非有畸于威福乃康
寧而明章若夫庶徵之來驗以

五事占歲省成叙五來備我

皇上恭為壽基

端拱欽稷其一為貌惟恭作肅時雨若而可徵布

惠澤之霑渥臣欽民從

時憲用誨其二為言惟從作又時暘若而可徵

位當陽以茂對

闢門明目燭徵鑒徹其三為視惟明作哲時燠若而可

徵

化如春以煦悅

達聰察邇遠謨嘉猷其四為聽惟聰作謀時寒若而可

徵

德凝成而擁庥

睿知廣淵竄由天性其五為思惟睿作聖時風若而可
徵

治從欲而動應爾乃庶徵既用

五福咸備

先憂履三

好德念四

德為福基福為德致論皇極之由錫證中庸之祿位

闡經義以暢厥旨信天人之合粹此

聖人所以治軼義軒運符天地也于是三靈祥協八維
星共拜手稽首上

萬年之嘉頌曰

天子之壽壽以萬方自

天篤之俾熾而昌大同協吉

純乾粹光於萬斯年

念徵無疆

萬壽樂府九章

謹序

雲南巡撫臣譚尚忠

歲懋上章日月會壽星之紀恭屆

皇上八旬萬壽昌辰勰祉緝嘉枕被純和於六字薄海
內外臚豫熨驩粵若初

恩言肇宣

詔開甲乙科

咨於司農令天下毋納粟程總結一歲迺月正元日

天子誕敷

文命普

錫福於四方慶霽南翔

恩綸達於滇海維時滇南之會治寮寨郡邑羣有司百
執事里居考成人以及邊陲世吏徼外屬國之長
官咸樹領翹趾駢集會垣恭聆

溫綽臣奉持使節敬稟揚

聖天子篤祐延長申裕引庥之

德意乃言曰鴻惟乾符坤珍駿祺錫羨泰元神筴延範

並疇

皇上受

天之龍照臨函夏昧爽丕顯旋樞斡運五十有五載惟
彊固精明之體行健不息罔一日弗救於勤用克克翊
景命於嚮豐融每歲三舉

大祀虔祈

方澤

躬詣

壇陔

親奉圭瓚歲秩於上下神祇咸徧至誠

孚格百順攸臻適承

顯謨丕烈以守兼創肅奉

冊寶鉅典式昭

大訓

寶錄日循雅誦

四謁盛京緬雲雷之

締造勒碑珉於薩爾滸辨源流於混同江懿夫本

昭事之欽若翼

績緒以紹聞所由奮光迪德於遐溼而僉懷企矚者乎

若夫夙夜

勅幾飭功慎省疇咨歎晷昃之暇疏奏無一昔之淹

當宁則署書勤政

行在則秉燭僕章用舍勸威因材自取董正治官以為

民極爰舉

省方之典

六巡江浙恬海翕河西臺中嵩東臨泰岱春豫津淀秋
獮木蘭以補以助無非事者每歲

給復優租積數倍於億種遭逢

國慶施大澤之溥正賦全蠲暨於今而四達亦既藏富
滋豐淪肌浹髓矣

皇帝猶軫念於雨暘益飭茲小民之依胥保惠胥教誨
俾無一夫不獲其所也疆吏入

觀因事

諏咨

申誠以保赤厚生課實效而屏虛詞恪共厥職牧令銓

計並許觀

顏重親民之選凡在葑屋之隱曲靡不達於

八聰雖萬里之外四極之表若依

闕庭而近

天子之先是惟

純熙滂茂鏡榮燭和

化成於悠久以宣

偉略則星竈月蝓列收安屯里踰二萬金川雪磴闢為

垣涂以及掃臨水之氛翦蘭州之柝靖臺海之波

告

大武之九成焉以彰

文治則

皇極敷言是彛是訓

文千篇而

詩五集耿兩曜而貫六經煥備圖書範治今古燦融

丹府廣四庫七閣之儲焉以垂

制度則輯會典圖禮器宴千巽表職官建辟雍增石鼓
中和協樂慶隆進舞律調一字譜訂全詩感人心
而天下和平

聖人舉禮樂以為昭焉皇哉煒哉亘古一會繫在雲南
為禹貢梁州南境依景承輝若日月之照臨蒙煥

而被彩矧際嘉祥疊至被戩胥臻時和年豐河澄
江謐百齡演奠累世睦居提抱曾元耆英

錫爵寶至之符斯為上瑞貢琛納賁徧於廣垠緬甸受
封南掌底貢廓爾喀重譯來享而南交之君長親入
朝以效祝

福釐都哉

聖天子功德巍巍合天之行自今

寶奠延洪純純常常愷愷其亦如天無極申引于萬億

年於是會治寮窠不約同辭閣境之黃髮黔黠及
邊陲世吏徼外屬國之長皆忤躍軒轅矢口颺音
角欲於余謠中謠之節奏臣謹案漢時益州進慕
德懷德之歌而漢益州郡治實為今晉寧州境杜
佑通典載驃樂之文即為今緬甸屬國是則滇海
邊土徧野謳吟自忘奔陋要皆發於愛戴之忱詞
無雕飾臣職在採風飲聽愉歌抃各卷抒厥詞協
於樂府秩陳牘叙竊附於萋葦雖卷阿矢音之

義於是中慶益寧穀昌富民宜良連然之民進而
歌五華燦之詞曰

山五華雲五色拜雲亭頌

帝德德之楸春合宙德之專養日舒鵲纚斐雲翔洄五
華燦

詔書開章麟閣俟奉

詔書煌哉詠凱以颺湛以雨

詔錫爵昭庶法

詔惠民庾廨殷

詔惇俗民式穀嘉利澤寶象河光長嶺祿益坡騫而聳

拜厥嘉

恩言普燦五華

建平霑益歸厚為美芳華之民進而歌玉屏峙之

詞曰

玉屏峙兮雲為梯眺連雲兮雲上躋闔闔開兮誅蕩鵠

鷄颺兮襍禩豐融兮

昊貺逢涌兮

聖涯慶雲叢叢符泰壹麓土平艷開百室

滂仁斯醕義斯和鋪上黍以稠荇潤甘澤以藟腴

澤如春

景命申

天心格

眷有德

元謀祿勸姚安永寧昭通之民進而歌康衢廣之

詞曰

康衢廣啓烏蒙障
邛笮迤川東川峽蟠迴

文教洽七經東授舊所業遙瞻

秘閣四部儲部分鱗次左右居
流傳疆域志樊綽留
其書從事天南臨六詔
苴咩城迴清溪遶黑齒青
蛉仍夙號

聖朝聲教遠胥暨羅布緤纚井鹽利式廓唐臣風土記
葉榆匡川師宗開化之民進而歌鳳羽河之詞曰

溶溶鳳羽河轍轍金梭島點蒼鬱嵯峨漾水出其
表縣名符實濡太和百祿山肇嘉庥多不見羅平
楊自發離睦同居標綽楔又不見祿豐張世賢紹
緒挾洽娛長年川隴湖湘雲氣接瑞彩續紗瑞人
列駢依

壽宇昭昇華協瑞迺得二百家維南有山鳳儀集金沙
通啟南交譯

聖治屆遠來鴻臣藩王祝

釐謁

紫宸

元江之燹人蒲蠻進而歌溫玉泉之詞曰

泉流溫玉襟帶迴狀三幹亭亭井生瑞木瑞繞百
尺枝綠葉紛葳蕤華平色端正沆泉漠漑之浥此
豐巴部繁以桃花人巴部得豐歲桃蹊延遠春寶
山亦有蹊麗水澄其泥金波瑩壁彩光曜紛陸離
金相符鐫鐘瑩姿諧特磬

淳化調元音宮縣雅樂正

鴻圖彙遠徧八埏璆琳輯瑞來和闐

麗江永北徼外諸番進而歌亘彩虹之詞曰彩虹

亘以金梁瀍波奠以瀾滄臨九睱兮匝案涇三渡

兮游翔瞻

德躔兮斗極依

仁輝兮若英卉霏霏其秋郁樹盈盈其春榮岫璀璨其

琳碧徑穆穆其蒼莨竭中孚以賓服咸角稽而來

王戴幘幘於

福宇效字舞兮洋洋

木邦猛密益養諸土司進而歌天馬來之詞曰

天馬來關門開通孟廣延猛別灣甸雲遠接翅排

思陀車里藍蔚堆錦屏近矚山崔巍景蘭景董崇

其隈元珠開化光滌回箐鳴竹鷗峯孔雀羊布織

文光韓約蕉銳淨瓶疇所削石風丹凝青紙拓遭

亨期兮展嘉符依

壽世兮延昌圖

緬甸之部目進而歌瞻星階之詞曰

星階兮式瞻春篆兮

恩覃台垣兮耿正洽敷兮星南南徽兮依

光慈開兮

湯網赭之硜兮銅之垣徹九廟兮寬廣葛為裾兮蕉為

衫披

輦路兮趨趨靖朱波兮江流潑陳廣脊兮驟國樂貢通

巴勒布号

皇威遠服願受

封號号緬人之福

臣謹率諸僚為合樂之章恭進迎春祺之詞曰

迎春之祺重洽

純熙壽星建酉角亢為期惟

天悠久行恒昭健

聖德同之

神謨廣運

蕃釐備致

異命重申上儀斯舉用慰臣民必得符攸徵斯受臣

民拜颺

億齡獻壽

八旬萬壽盛典卷九十九